

小檀藥室彙刻閏秀詞

711.3
52816
22

卷之四

閨秀詞鈔卷三目

查清九首 章有湘一首 章有渭一首 曹鑑冰十首

商景徽二首 吳文柔二首 周瓊三首 張粲三首

李眺一首 汪嫺一首 堵霞二首 嚴淑珍二首

許冰玉一首 宋瑛二首 季嫺五首 宋凌雲一首

顧樹芬二首 陸幽光二首 萬淑修四首 顧道喜三首

邵笠四首 束蘅四首 郁大山二首 邵斯貞一首

陸敏四首 顧之瓊十首 陸鳳池二首 陸真一首

蔡婉羅四首 虞兆淑一首 徐淑秀四首

蔡汝霖

四首 與吳州

蘇翁始發

四首

劉

四首 題文襄

十首 劉鳳斯

二首 劉真

潘

四首 東

潘

四首 喻大山

二首 潘祺貞

蘇懋恭

二首 劉樹大

二首 萬瑞珍

二首 蘇懋

二首

符叔正

一首 吳

符

一首 宋遠震

一首

李

一首 王

李

一首 鍾斌廷

二首

高景端

一首 吳文榮

二首 周

二首 張

三首

查

一首 章

章

一首 章

曹

國表隨錄卷三目

閨秀詞鈔卷第三

南陵徐乃昌撰錄

查清

清字太清青陽人知州劉靜寰室有綠窗小草

衆香詞太清有大德善持家賢而不妬決疑處
難數出奇謀刺史賴助甚多晨昏課子人稱嚴
母散財好義鄉里藝林咸欽坤德誠巾幗學士
也其琴書吟咏乃餘事耳雲間閨秀曹葦堅曾
序其綠窗小草行世

望江南

寄曹葦堅

見衆香詞

春來也依舊不相逢梅放恨無人共賞書裁幸有雁相

通何日返吳淞

採桑子

答葦堅步原韻

心情千里憑魚雁，渭樹江雲一望昏昏不見。江南錦繡
春，嘗餐匙滑，蓴羹美。今始思蓴，恨昔逡巡曾訪溪邊
黃葉門。

前調

其二

幾番寄我詩，兼畫滿紙煙雲樂。我晨昏新句難酬白雪
春，何時再買秋風棹，重採吳蓴酌酒三巡。衰柳芙蓉
認竹門。

山花子

隣女

嫩色新裁杏子衫，留仙袞梁墨斑斑。羅襪覆鞋紅一點，
踏花殘。水底照容容如月鏡中梳鬢鬢成蘭假使當
年吳道子畫應難。

憶秦娥

晚步訪曹葦堅

斜橋畔銀丸照破垂楊綫垂楊綫垂垂滿地任儂蹂踐
蘼蕪碧映溪流淺槿籬色護柴門掩柴門掩咩咩犬
吹書燈紅閃

青玉案

美人倦繡

何來枝上禽調舌輕喚起莊生蝶日映螺奩鈿懶貼梨
容雨濕柳腰烟裊一樣低迴怯臨池擬學夫人帖無
力拈毫素箋摺斜倚香篝裊裊結春山頻鎖秋波慵展
半是愁時節

杏花天

杏花

甚花偷得春風巧勻粉薄凝脂猶少梅花冷淡桃花俏

多被此花占了 蜂蝶採花容自惱烟雨潤花容自好

花外酒旗搖颺早 句應平平仄仄 應有醉花人到

感皇恩 東曹葦殿上

莫怪嗜鱸魚每懷珂里接得魚書眼開翳山山水水為

甚描將書裏令人常惹望江南意 此際華亭桂花香

細繡閣應多消遣計花間攜手人欲天從何易夢牽紅

樹情深無已

暗香 落梅

飛飛玉屑弟一番風信吹來輕劣喚起新粧鏡裏纖英

正宜貼亂點叢蘭石畔恍疑是尋芳蝴蝶恁叨嘈 二字應仄

翠羽枝頭叫落黃昏月 嗚咽笛聲徹惹古驛荒村夢

魂澆絕膽瓶凍裂揉碎寒姿可禁折寄語天邊滕六把
撇下餘香休滅使片片猶戀在畫裏百褶

章有湘

有湘字玉筐又字令儀號橘隱華亭人羅源令

曠女進士桐城孫中麟室有澄心堂詞

林下詞選有湘與妹有渭並有才名

名媛繡鍼玉筐功時常背誦擣衣篇長恨歌一
字無譌與姊瑞麟妹玉璜廻瀾掌珠並擅才名

安慶府志玉筐閨中麟卒於邸遂引繩自縊者
再姑救之得不死會柩歸又縊婢覺又救之爲
未亡人十七年終以悲致病殞

龍眠風雅玉筐所著澄心堂詩望雲草再生集
訴天雜記皆孤猿寡鵠自寫其憂傷哀怨之音
君子讀而悲其志焉

浣溪沙

旅懷

見林下詞選

詞綜

此夜難分怨曉鐘夢魂偏又到吳淞愁情先上兩眉峯
滄海一聲臨遠道蘭橈千里破長風可憐回首隔江
東

章有渭

有渭字玉璜華亭人有湘妹嘉定侯泓室有淑

清草燕喜樓草

練音續集玉璜于歸後以上谷多難夫婦遁迹
借隱有桓鮑風旣而仍還故里相保於敗巢破
卵之餘者皆氏力也

玉樓春

寄外

見詞雅

月華一簇雲團結秋到愁邊無可說人傳郎意薄於雲
儂信此心明似月月明會有圓時節怪殺閒雲隨處

沒雲消月墮夜淒清只有離懷無斷絕

曹鑑冰

曹鑑冰字葦堅號月娥金山人爾垓女婁縣張殷

南六室有繡餘試硯稿清閨吟

六室

江蘇詩徵劉書之云殷六家貧鑑冰授學徒經

清詩

書以自給能書善繪造請者咸稱葦堅先生

皆清

時半世青蓮而太君和氣怡怡同賡偕老詩詞

採桑子

答劉夫人

見眾香詞附

自從封寄花箋後暑雨涼雲挨盡黃昏纔得鴻來又小

春幾時相見兜兜話候採湖蓴節鉞南巡再訪溪橋

蛟蝶門

疎影

雁影

見詞綜

昭代詞選

詞雅

行行點點問誰將淡墨憑空灑徧雪壓危橋月暈閒庭
描寫春愁秋怨蘆花港淺參差過還認是掠波歸燕帶
斜陽時近南樓界出一繩天遠 總使懸鉞垂露只模
糊不辨隸蟲符篆寫上征衫落到寒砧可也寄封書便
驚弦任爾高飛起原依約晴川荒甸最銷魂暮雨朝雲
吹墮平沙難見

南浦

春水和母

見昭代詞選

詞雅

書屋正臨溪喜春迴淺碧粼粼晴曉一片縠紋輕紅襟
燕掠處翠萍如掃仙源難覓浮來千點桃英小十里銀
塘迷望眼色映離披芳草 溶溶漾漾橋邊豈離人愁

淚流將不了楊柳綠陰濃風生處時有白鷗飛到烟雲
渺渺釣船歸矣漁歌悄試問者番新雨後添得浪花多

少

步蟾宮

卻燕

見詞雅

任伊繞徑翻雙剪紗榻子齊關紅扇去年不聽故人留
又何用故人重見舊巢泥污休休戀請棲託隣家深
院算儂非是忒無情怕牽惹秋來腸斷

疎影

蝶影

階前雨雨總迴旋高舞不離書幌素袖空黏采扇虛晃
作出一番輕浪綠錢勻處依稀見似栩栩夢魂飄蕩穩
棲香冷月光中仍與花枝相傍倩入滕王筆底怕蛾

粉鴉黃總難偷樣疑假猶真是也非耶偏漏彫簷蛛網
無端逗起閒吟味添幾許惜春情況待尋芳倦繡人來
閃在羅袞褶上

沁園春

髮

握向菱花光澤誰如羞他麝煤恁長侵眉翠一窩雲薄
低籠耳玉幾葉蘭齊墮馬妝新蟠龍式舊巧縮穿心時
樣宜增妍處看金蟲深譚紫燕斜飛垂垂慣貼蝨蟻
愛花露油沾香襲衣說舞偏燈底牙梳再掠睡鬆枕角
綵綫重維烟拂鴉翎露凝蟬翼總使輕盈也讓伊尋芳
去怕兜歸蜜刺休近茶蘼

前調

口

小顙含春那許盤中櫻桃鬥鮮爲粉香勻靨微黏花露
彩毫描黛淡吮松烟鳳管調來鷺笙炙去一曲清歌鴛
溜圓評茶味任素磁深淺嘗盡甘泉 休隨梁燕呢喃
且教語鸚哥鐵馬前愛瓜犀難見茜凝羞鄭丁香半露
猩滴驚樊嬾嚼紅茸愁沾綠蟻慣使纖纖剔未閒移情
處在輕輕一笑百媚嫣然

前調

日

日

爍爍清光低映眉山桃花是名慣深遮團扇背燈魚睽
潛迴落月對影斜凝歡定含嬌醉還送悄懊恨難禁玉
筋零無人處把鴛巾輕拭裝出多情 日長何事曹騰
憑案疊殘編展未曾喜纔臨碧澗盈盈秋水乍開青鏡

閃閃春星吟倦牕前繡慵樓上瞥見歸舟帶笑迎風流
樣怕端溪鴿鵲輸與精瑩

前調

腰

軟款圍來尺六無多纖柔絕倫向燈前欹側驚迴柳影
花邊宛轉羞覩蜂魂染恨千絲縈愁幾縷半幅曾窺湘
水裊臨風去怕娉娉嬈嬈化作行雲 曉寒料峭難溫

好緩束吳綾茜色新爲妝成有意憑闌倦舞醉餘無力
倚几慵伸剝棗應憐偎琴更惜透體沈檀一捻春誰堪
擬似盈盈佩玉洛浦仙人

臺城路

蟋蟀

井梧飄後愁堪賦俄聞這番淒語接砌花根連陰樹底

那不消人魂處高吟低訴恰經斷迴文指寒停杼燈影
青熒夜深怪爾撩愁緒苔茵露濃過雨似休還又雜
月下鳴杵唧唧荒村嚶嚶靜館作出秋聲無數何當遞
與惹鶴步挨來駮兒癡女盆盒攜歸逞餘音更苦

商景微

景微字嗣音會稽人前明尚書周祚次女景蘭

妹上虞徐咸清室有咏離堂集

眾香詞陳迦陵檢討序其集

名媛詩話嗣音年入十容貌如二十許猶吟詩

讀書不衰詩如子夜歌云弄水恐滌袞采蓮畏

傷手花歌半面粧願得花間藕五彩織薰籠爐

灰皎如雪不棄熱殘香爲愛心中熱深得樂府

體裁女昭華伊壁諸生駱加采室著有徐都講

詩集工楷隸善丹青幼承母教名重一時爲毛
西河太史高弟塞上曲云朔風吹雪滿刀鏤禹

里從戎何日還誰念沙場征戰苦將軍今又度陰山

毛奇齡徐徵君墓誌畧曰仲商夫人者大冢宰商公周祚女也與女兄蘇松巡撫祁公夫人俱能詩近世能詩家稱伯仲商夫人徵君邁家難意落拓無生人趣及與夫人行嘉會禮乃就故君稽山門闢寢前廣庭構以藥欄設長筵當中發故所藏書散架之而對坐縱觀之暇則抽牘各為詩如是有年天台老尼從萬年來遙望見夫人合掌曰此妙色身如來也蓮花化身相好光明既而咄嗟曰善持之幾見曼陀長人間耶於是徵君與夫人約吾當著一書而子且從老尼請發願寫妙蓮花經三部以延其年夫人然之

月中行

題陳素素像

見眾香詞

輕盈燕子掌中身對景舞還停見君佳句更相親筆底動人情
三春楊柳腰間細二分明月鬢邊橫芙蓉初放碧池新知是畫圖人

菩薩蠻

春風見詞綜補

篆烟吹過花深處

原缺二字

葉底垂甘露何處見如來青蓮

筆下開

朝朝研墨盃不畫春山遠但寫妙蓮華香風

徧若耶

吳文柔

文柔字昭質吳江人兆鸞妹解元楊廷樞長子

焯室有桐聽詞

思謁金門

寄漢槎兄塞外

華集

詞綜

詞雅

見今詞初集

瑤

情惻惻誰遣雁行南北慘淡雲迷關塞黑那知春草色

細雨花飛繡陌又是去年寒食啼斷子規無氣力欲

歸歸未得

龍體長相思

見今詞初集

關山秋故山秋葉落宮槐起暮愁新涼作意收
洲荻花洲分付蛩吟且暫休斷腸人倚樓
蓼花

周瓊

瓊字羽步一字飛卿吳江人有借紅亭詞

眾香詞羽步少警悟工詩詞曾為某大老側室
繼又適士人羽步往江北避其鋒託所知樓一
不能脫迺命羽步年篋中金蕩盡所居陋甚破窗
大姓者無下經年然羽步意致翛然畧無怨尤
積壁幾不敵風雨然吹彈時作數弄以遣興郡
意喜縱觀古史書愛吹彈時作數弄以遣興郡
中人士有以詩寄贈者羽步即依韻和答詩俱
慷慨英俊無閨幃脂粉態如文人薄命非因妬
俠女狂歌更種情雨過積泥侵屐齒風來寒色
滿山樓往事易悲休記省壯心難遂且忘機錦
字怕隨江雁斷詩魂還逐曉鶯流暖日不須來
燕子春風爭肯逐桃花每憐俠骨慚紅粉肯學

一愛

蛾眉理艷粧皆警句也送張又琴校書之廣陵

嫩玉

一律雉臯冒巢氏夫子亟稱之詩曰桂楫風輕

繫綠楊恐增離恨暫相忘琵琶漫撥思鄉調綉

晉賦

領重燒心字香雲碧夢迷新楚岫月明人憶舊

一六青

斜陽石榴花下分明認不信劉郎勝阮郎後依

韻

婁東吳梅村祭酒

兼

婦人集羽步詩才清俊作人蕭散不以世務經

和

懷傀俄有名士態生平尤長七言絕句居如臯

風

仙先生深翠山房入閨月吟詠頗多如贈范洛

詩

垂柳絲千尺只繫柔腸不繫舟贈蘇貞仙云一

架薔薇滿袖香同行誰不羨紅粧半生最愛清
幽事肯惜凌波遠曲廊又寄懷洛仙云蕭騷越
客獨淹留汗漫西風柳岸秋安得秋風解我意
好吹此恨到揚州此等詩極似唐人截句也
冒衰注又羽步贈吳湘逸詩云絮語花陰夜未
央細聆音韻轉悠揚君今幸作吹簫侶儂願期
爲雙鳳凰凰意蓋有爲也
蓮坡詩話云西泠女子周瓊有詠冒巢民匿峯
廬詩後出家爲性道人
名媛詩話羽步詩雄宕秀拔足救刻翠剪紅之
習贈吳蕊仙句云樽前紅袖夜談兵答人句云

每憐俠骨慙紅粉肯學蛾眉理艷粧皆有英傑
氣

謁金門

見衆香詞

風屑屑吹冷一簾新月深院薔薇和影折泚裊紅刺密
昨夜露濃苔滑早又殘花濃葉閒倚紅窗尋綠蝶掀
簾銀蒜揭

昭君怨

咏鏡

一片青銅如月照出妾顏如雪雪月兩堪誇勝如花
背地檀郎情顧恰似鴛鴦兩個含笑倚郎肩月中仙

浣溪沙

織手

嫩玉纖纖整素絃慣彈別鵠最堪憐幾回私語把衣牽
愛插鮮花時掠鬢怕沾飛絮故掀簾漫籠雙袖倚欄

千奇效... 蘇山... 蘇王... 蘇育... 蘇香... 蘇

張 榮

榮字疎影江寧人農部許承欽副室僑居泰州

有適燕吟

衆香詞疎影漢陽農部許漱雪之少君秀眉目
 鬢髮玉膚性慧而靜善讀書年十五歸於農部
 攜居武林處玉壺冰軒中窗外皆雜花繞欄疎
 影熱香烹茗日宴坐其中案頭唐詩一函蘭亭
 一卷臨摹吟咏不倦會農部買舟北上挈姬從
 時土寇充斥自嶧山逶迤泊頭諸封鎮雷駭箭
 激常凜凜蹈不測姬獨以義命相感發卒幸無
 他及抵燕傲居敝屋塵沙雜沓姬怡然自安茶
 瓜蔬酌賴以永日姬初中程度庚寅十月感痰嗽醫
 以音律旬日遂能中程度庚寅十月感痰嗽醫
 藥罔效比歲除自知日必逝戒農部無他往三
 鼓謂農部曰吾行隔矣所不能割者老母遠在三
 江南及君三年相愛之情耳因寄聲武林諸姬
 誦佛號數聲而卒

感恩多

送漱雪夫子

見眾香詞

捧卮河畔立草軟斑駁急問郎幾日歸月圓時
堤上輕綿吹屑拂征衣拂征衣須信儂心絆郎如柳絲

小梅花

懷范雒仙

秦淮曲香叢宿華笙吹徹蓮籌促小駟車玉鈎斜乳鶯
雛燕啼上合歡花
仙妹一向蓬山謫蘭夢依稀烟雁
隔守空房思茫茫韶州方褥冷疊象牙床

虞美人

悼范雒仙

淒涼舊恨知多少極目烟雲渺小樓無事理殘編恰得
傷心情句使人憐
霞箋錦字猶如昔泪灑芭蕉濕問
君何故早游仙想是玉樓有召咏香奩

李 眺

眺字冰影華亭人諸生沈賚初室有鵲啼集

尋芳草

見詞雅

贏得千愁逼閒拋卻許多月色寒烟窗外碧正夢到舊
家園誰吹笛 腰瘦不關秋天河似我啼痕積又哀哀
孤雁鳴沙磧魂去也江山黑

汪 嫺

嫺字□□嘉興人周士妹

林下詞選嫺聰慧寡言有天女丰度許字戴判
官之子年十四未嫁而歿所著詩詞伊兄盡為
焚毀不忍讀也茲小詞向傳誦於人者

搗練子

同仲嫂夜坐

見林下詞選

庭悄悄月沉沉唧唧寒蛩斷續吟獨有孤鴻聽不得欲
眠猶自理瑤琴

堵霞

霞字巖如號綺齋又號蓉湖女士無錫人進士

廷芬女諸生吳元音室有含煙閣詞三到堂稿

吳文浦南野堂筆記梁溪堵進士女綺齋工詩善填詞有燒殘鎗一點數到漏三更之句其如

夢令月夜云如醉如醉怪殺海棠先睡毛鶴舫詩話綺齋詩清婉韶秀高出晚唐畫法

宋人深造徐熙沒骨化境至其寫生入微處翩翩韻致出自天然非優柔嫵媚鉤描形似者比

真近代所罕觀傳世之珍玩不意於閨閣得之玉臺畫史毛際可安序堂文鈔錫山吳子元音

哲配堵夫人博學能詩工寫生花卉深得徐熙筆意余嘗爲詩贈之有清才能詠絮妙筆自生

花之句夫人以自顏其芝蘭之室杭郡詩輯綺齋僑居杭州好學能詩工繪事作

小辭

花鳥蔬果不用粉本嘗與胡氏容安合畫小冊
吳綉谷題云童叟江南稱畫逸鵬雲舊記屬君
家西湖十一橋頭水流盡落紅無數花

金縷曲

題西子思鄉圖即代西子自嘆
綜補

見詞

容易韶華度最難堪秋容慘淡秋聲淒楚江畔芙蓉剛
半吐多少月籠煙護那似我隨風飄墮遙望鄉園何處
是怎蒼蒼獨把紅顏妬全不管捧心苦 屢廊深邃宮
闈暮甚來由嬌絲脆竹朝歌夜舞聽說沼吳須藉妾武
將謀臣幾許偏用着溫柔戈斧他日身隨荒草沒更何
從認取耶溪路無限恨向誰訴

十六字令

春望

愁幾片飛花過小樓春歸否尚在柳梢頭

嚴淑珍

淑珍字靜儀吳縣人直隸通州舉人胡紀謨繼

室

唐多令

春日借錢玉雯玉綃兩表姊王佩霞世妹遊慧山以同心春游四字分韻填詞得春

字見昭代詞選

九十半過春名山繞夢魂喜芳遊伴結紅囊蜿蜒九龍

峯秀絕真妬煞黛眉痕穿磴拂松雲清吟坐夕曛看

香闈多少才人惟我倚聲慚擊節須滿酌慧泉吞

東風第一枝 咏梅

嶺上愁蘇溪邊睡醒一枝早逗春意暗香微送霜中瘦影小橫雪裏淒迷凍蝶似不許繞叢游戲想此時做夢

羣花那曉玉妃先起
遙傍水芳心孤寄低映月粉姿
斜倚觀來東閣逡巡折向西洲迢遞幽芳冷艷索笑處
開非容易看李桃亂嫁東風怎得比伊林壻

許冰玉

冰玉字潔人口口人李素女有染香菴詞

鳳仙菩薩蠻

美人午睡

見詞雅

綠雲撩亂堆紅袖粉香零落胭脂瘦鸚鵡一聲聲回頭
錯應人近前情脈脈試把香肩拍雙手約金釵朦朧
眼不開

宋 穉

穉字淑直溧陽人進士史虞麇室

賣花聲

春暮寄外

見衆香詞

詞雅

日日怕春歸不展雙眉柳絲無計繫斜暉又是落花時
候也腸斷天涯 繡戶閉簾衣兀坐樓西無情燈火把
人欺夜夜虛開花一穗賺我歸期

少年遊

咏金鳳花

見衆香詞

鳳仙花本自仙宮最喜雨濛濛摘來簪髻搗成染甲粧
點許多容 不幸經秋霜打敗無復露華濃西風一夜
紛紛紅紫多半萎牆東

季

嫺

嫺字靜婬號元衣泰興人吏部寓庸女李長昂

室有雨泉龕詩

顯高難

却日短

於竺國

頰母儀

情雅煥

鵝杼就

壺關夢

庭弋雁

南國一

多靈蹟

相師即

眾香詞靜映明銓部因是先生女兄冠月給諫

說兮柱史天修水部皆錚錚於朝適與化李維

章提舉子為霖河南觀察錢塘陸雲龍序其集

日神媧鍛頑巖以成質飛五色彩麗雲霞羸女

託寒篠以失音應六律韻啣鸞鸞唯是文心肇

闕遂爾逸響相繩虎齒發笑於瑤池虬謁流梵

於竺國至性嘗侈娥江黃絹色絲異藻非宣雋

頰母儀亦稱荻畫青編彤管芳詞不著棘心若

夫胡笳想蔡絛扇推班闊錦紋之縷借絲旋文

情雅煥讀咏絮之致悠悠態弱雅思飄飄豈直負

鵝杼就七襄戶藏天錦吟安五字人握隋珠雖

壺關夢成題亦見鍾譚迺昭代人文聲價必

庭弋雁興歌柔黃起碩人之頌家闕閱而氣山

南國一枝羨甯馨之早占為復詩詞夙擅翰墨

多靈蹟希太白步恥易安鵲聲啼夜月疑同鳥

哺之篇棣萼漾東風莫擬鴿原之什寫花嬌而

出韻繪月態而摹神樂欲爽心悲能下泣境超

玄著腕有化王誰曰蛾眉不讓定知焚筆硯以

相師即令蠡測不深亦將撫几案而稱絕其姪

小噴藥室

廷尉清子觀察淥俱誌其集行世而賦詩
婦人集昭陽季夫人游心元虛託情道味賦詩
不多殊復令人咨嘆可謂德音

憶王孫

本意太白見眾香詞

花光月色影霏微陣陣香風拂綉幃
閒倚畫屏蘭麝郁
夜闌時塞外雙鴻歸不歸

前題

青梅如豆壓枝低淡綠輕紅映釣磯
柳花如雪漫天飛
笋初肥蓮葉如錢浮小池

秋波媚

憶維章夫子

晴日疎簾暖氣浮春滿畫堂幽嫩黃
搓柳淡紅含杏夕
照高樓
憶君臨發貽佳句日懶未曾酬
嗔他黃鳥偏

來枝上陡喚人愁

只堪月中行 晚步樹園

園林好景夕陽西
花壓畫橋低
爭泥雙燕受風欹
點綴暮春時
寂寂長廊無客到
樓臺倒影漾方池
無端小婢促歸遲
細細點遊絲

白紵 咏鮫鮪

蛟宮裏波紋靜幾多
娉嬭蕊珠璀璨
六月涼生殿閣好
安排金鍼玉戶裁
雲幕約畧渭川漪
瓊山碧是甚緯絡
眯眯看去宛爾晶光
錯落記昔年建章曾荷
仙娥託如昨就錦霞帔
卽今重見依舊冰蠶亂
縛問綫綫絲絲爲誰縫
卻多情闊別怕涓涓
淚滴刺殘巾角拂拭
殷勤

汗漫紅見數點斑駁待出深潭羨奇花軟綽

宋凌雲

凌雲字逸仙吳縣人崑山諸生李博室有軒渠

初集

沈德潛國朝別裁昔銓部宋南園先生嘗向余言孫女弱齡即喜誦吾子詩粧臺側時手一編也今將四十年其言如昨而逸仙已歸泉壤矣俯仰三世可勝慨然

采桑子

見昭代詞選

詞綜補

從來不識悲秋意愛月登樓愛月登樓玉笛橫吹天際
浮而今識盡悲秋意獨倚香簫獨倚香簫兩點春山
只駐愁

顧樹芬

爽原西樹芬字春榮長洲人諸生朱雲翔室

浣溪沙

楊花

見昭代詞選

昨夜東風透露臺無端柳絮遍蒼苔一春心事又成灰
無力自隨流水去有情還伴落花來天涯游子幾時

回

水調歌頭

南村

三萬六千日人世幾完全一年記取佳日領畧在春前
縱有風風雨雨須憶鶯鶯燕燕香糝百花鮮常笑乾坤
窄荆布覺寬然山之角水之尾盡幽妍野塘村塢往
來飛鳥白雲邊偶見青蓑綠笠較量種蔗插稻此際卽
神仙今日又明日富貴總由天

陸幽光又肥日富貴蘇由天

來乘鼎幽光字孟珠又字蛾壑吳縣人銓部口女

眾香詞孟珠天姿穎異讀書過日成誦初奔于

義興值義興敗陸遂轉徙江湖時向酒間花下

為人賦詩後陷囹圄又入侯門又隣北里又入

空門總之蹤蹟怪異所至人輒嬰禍洵亡國之

妖也然每述半間堂裏事天寶舊人聞之往往

嘆息廣陵詩社集多佳句忽忽散去止得二詞

非侈紅粧筆墨之麗實深青衫涕淚之情

重疊金 秋恨

爽氣西山來畫棟簷馬叮噹驚午夢高揭起湘簾晚霞

如夢令

見眾香詞

幾欲把愁推去卻被雙眉鎖住細軟語情郎何事干情

萬緒無味無味牽惹柔腸如許

點絳脣

對月懷表妹

見衆香詞

月落烏啼今宵提起心先碎無憑鱗羽逾覺人憔悴
目極烟迷望斷家門路攜琴處海棠花底共賦傷春句

南柯子

病中懷親

不必愁生死關山隔故鄉樓頭吳橘又初黃正是暮秋
時候過重陽日落迷芳草庭深怯曉霜病懷無計苦
參商又見一行征雁斷人腸

鷓鴣天

同表妹游董夫人西園

花徑斜開淺水濱疎篁深處絕纖塵漫從洛浦邀神女
試到天台訪玉真攜綠綺伴佳賓繞籬小草好相親
卻憂賦就膠東去日暮還聽鳥弄春

玉樓春 元宵後一日憶母

東風依舊來庭院極目家山雲隔斷辛盤空對九枝花
千里月明人更遠 黃河濤轉親無患窗外梅花開已
半未逢驛使託青鸞寄去高堂如覲面

顧道喜

道喜字靜簾吳江人進士自植女諸生許季通

室有松影菴詞

林下詞選元方性癖書博雅名通順治戊戌進士竹隱虬其次子也一門風雅咸出淵源

草闌如夢令

見林下詞選

高柳蟬聲哽咽四壁蟲吟悲切丹桂發天香疑是廣寒
宮闕八月八月又是中秋佳節

宮闈蝶戀花

閨情

見林下詞選

眾香詞

日射紗窗花影透，滿鏡春山，雪面粧成候。立遍蒼苔尋
草鬪，鸞鍼鳳綫拋殘繡。拜佛朝持般若咒，脈脈含情
徙倚消長，晝聞道知愁還未久。去年學得吹簫後

滿江紅

移居嚴莊有感

見林下詞選

眾

香詞

今詞初集

昭代詞選

禾黍斜陽村阜外，紅霞飛滅，回首去依稀。風景繁華銷
歇，沼冷鴛鴦荷泣，雨臺荒麋鹿松搖，月忽送來野寺斷
鐘聲，疎籬缺。清曉怨簾鉤，揭王孫夢，鶻啼血，問天涯
何處銅仙，金闕猿鶴，三秋淹短草，風雲萬里，悲高碣，料
明朝好鏡，不相瞞，霜侵髮

邵正筮

東 笠字澹菴泰州人黃杜若室有薜蘿軒集

幽無

取香詞詩媛徐淑秀為澹菴之庶母故遂工於吟咏適黃杜若秀才中更家難四壁蕭然澹菴惟爐香茗碗靜坐讀書後不幸而卒病中悉焚其全稿僅搜得數闕斷璣寸璧為足寶云

菩薩蠻

見眾香詞

亂鶯啼破流蘇夢櫻桃露濕花梢重小婢促梳頭開奩
滿鏡愁 畫眉人不在蹙損雙螺黛淡日上紅紗輕蟬
鬢影斜

虞美人

金鈴密綴桐花鳳粉澹檀痕重半遮團扇眼波斜多恐
養娘偷檢守宮砂 翠眉一霎愁峯鎖按碎芙蓉朶問
伊底事忽嬌嗔道是採花掠亂鬢梢雲

步蟾宮

中秋

風尖雲嫩山容瘦數飛鳥鴉前鵲後夜闌帶醉聽簫聲
恍瞥見誰家紅袖蟾鈎穿過疎林驟桂子落滿山金
鏤橋邊錯認王人來惹裊帶暗香偷嗅

鳳凰臺上憶吹簫

秋夜懷姊

桂院香殘松窗月冷孤鴻噉亂樓頭見梧桐搖落葉葉
驚秋幾陣輕風暗度窗兒外細憂簾鈎聽砧聲隨風斷
續惹起閒愁悠悠玉人別後又三秋去也誰與綢繆
對孤燈兀坐冷落香篝畫閣深沉獨自鎮日裏挨盡清
幽無聊賴且憑綠綺一曲涼州

東 蘅

感菴秦州人黃林苦室自執藤神棗

西山詞 衡字佩君武進人烏程沈宋圻副室有栖芬館

詩詞

搗練子

新燕

見眾香詞

掀簾看亂紅飄新燕銜泥補舊巢私語侍兒還記得去

年曾否立花梢

南唐浣溪沙

西園春游同唐靜因夫人

傷春春半始尋春時樣衣衫藕色新團扇擎來明月滿

好遮身細數落花臨曲澗緩尋芳草步香塵怪煞東

風吹欲暮促歸輪

蘇幕遮

秋閨

綠窗閒人已靜玉兔初升銀燭光搖冷倦倚畫樓欄自

凭庭院深深牆角花枝映
小池新水明如鏡霜打殘
荷幾點無多剩瘦減腰肢力不勝無奈傷秋愁絕鴛鴦
病

蹋莎行

寄洛珍

暖透窗紗雲迷院樹停鍼時有薰風度閒看穉子捉楊
花小鳥無心來又去
翡翠生香芭蕉垂露落紅返照
家門路不知何事苦縈懷怕聽杜鵑啼不住

郁大山

大山字靜如青浦人倪端夫室

菩薩蠻

西山卽景

見眾香詞

西山晴翠蒼茫裏杏花枝上鶯飛起
飛起帶春愁送來

樓上頭
欄干十二曲
曲曲穿修竹
願把屋邊霞
倩人

拿到家

風俗柳梢青

秋夜

見眾香詞

詞綜

何處鐘聲誰家笛
韻最是多情
獨步芳階
芭蕉月上影

落疎櫺
連朝腐草無螢
窗兒外風清
月明寶篆拋烟

銀燈無焰倍覺淒清

邵斯貞

斯貞字靜嫻
餘杭人
訓導陸進繼室

春雨

杭郡詩輯沈瑤銘元琨有陸蓋思北歸得讀其悼亡諸詞賦此寄慰調離亭燕云馬首歸雲如

非

織征鳥夕陽飛急知爾闕河腸斷盡怕見空閨遺跡和淚望遙山深淺黛痕難覓塵暗鏡臺人

隔露冷筆牀珠滴無復春風聯秀句秋雨哀吟盈集騎省近如何莫遣鬢絲成白注邵夫人工

詩詞有巢青閣遺集據此則靜嫻先蓋思沒而
命集與盡思同

蝶戀花

見詞綜

春雨三更喧碧沼愁病交侵有夢何曾好枝上鶯啼天
欲曉空庭一夜生芳草何處天涯音信杳紫燕雙飛
偏把幽情惱捲起湘簾風尚悄臨粧嬾把蛾眉掃

陸無敏

敏字若士長洲人諸生顧端文室有絳餘草

江南春

春草

見眾香詞

風欲偃路愁遙枝頭鶯語滑柳下馬嘶驕堤邊嫩綠年
年長幾幾換游人過畫橋

長相思

題月下抱琴美人圖

風正涼桂正香月照當頭樹影墻良宵暗斷腸
燈閃
墻月移廊欲撫絲桐情自傷聲中求鳳凰

蝶戀花

春盡

鶯喚紗窗驚曉夢日上三竿亂把花枝弄楊柳池塘烟
水重茶蘼香暖時相送
懊惱遊蜂閑打闌自捲湘簾

玉笛輕聲弄暗卜金錢何處用六么倒掛窗前鳳

青玉案

題趙夫人文淑畫

寒山閨秀神清徹映千尺流泉雪忽見花開來舞蝶縑
縑乍展丹鉛漫染點綴香痕濕
玉人天授生花筆非
霧非烟空翠滴好鳥和鳴呼欲出紅蕉白萼柔枝嫩葉

生意毫端集

顧之瓊

之瓊字玉蕊錢塘人翰林錢繩菴室進士元修

肇修母有亦政堂集

衆香詞玉蕊為洛陽令石臣尊慈桐城錢飲光

徵君序其集曰吾錢氏在武林者聲華文藻蓋

已五世於今矣即今所見石臣幼鯤兄弟皆曠

代奇才今年夏石臣過樅江訪予北山樓投以

詩情詞恂摯家人之誼殷然覽其出塞諸作塞

外風物人事彷彿如見非猶夫世之規模唐音

撫拾漢事斐然成章不知所出何代之塞所作

為何人出塞之詩也可與言詩也已矣已復以

母夫人亦政堂稿及其室人墨莊詩見示且云

姊氏雲儀亦有集將合梓之為錢氏一家言屬

老人為之序予嘗誦詩見國風所載類多女子

之作若衛莊姜共姜宋桓夫人許穆夫人後世

傳之以為德音謂其言之由諸禮義也詩之教

曰發乎情止乎禮義夫情則盡人然矣禮義學

問之事非讀書研理湛深於學問者不能有其

言也漢魏以來如班婕妤好曹大家諸賢媛多以

學勝雅學勝故足以盡其才致之美而得溫柔敦厚之遺與國風夫人詩無以異焉歐陽公為謝氏希孟詩序言其母好學通經自教其子景山成名又以其餘遺女希孟能詩希孟之詩隱約深厚守禮而不放非特婦人之能言者也此亦言其本諸學者深矣今觀亦政堂所為樂府諸古體詩沉鬱頓挫音節氣韻自然合古墨莊才甚高近體詩引據典確盡慮極變曲折瀏離居然唐宋名家不似出女子手也不學而能之乎雲儀詩一稟諸母教當亦猶是也夫謝之景山猶錢之石臣兄弟也景山母妹皆以詩顯而妻無聞焉而歐陽子侈之以為盛事使其得錢氏一家言而序之其為欣然羨歎宜何如哉予既喜吾錢氏內外之多才而又喜其才之本諸學而言之由諸禮義而可傳也故不辭為之序長子元修次肇修先後俱成進士次今宰洛陽季子來修由明經郡丞貴陽其家世簪纓可稱武肅華胄之盛

西泠閨詠玉蕊工詩文駢體有前後北征賦類芳初集序初陽臺西溪漁父河渚花鳴淨慈寺諸詩招諸女作蕉園詩社有蕉園詩社啟蕉園五子者徐燦柴靜儀朱柔則林以蜜及女雲儀

也子石臣幼鯤刻其遺詩曰亦政堂集石臣婦墨莊亦能詩

搗練子

春閨見眾香詞

雷殷殷雨潺潺
簾捲春風拂面寒
開遍梨花歸夢杳
和

衣睡起月闌珊

江南春

憶遠

星燭燭思依依
關山幽夢繞風雨
暗魂飛江南春好渾

閒卻何事游人滯不歸

薄命女

深夜悄女使催眠
還恨早遣情渾不了
問君幾許春

愁遙憶當年嬌小
繡到鴛鴦思繚繞
鐘聲驚曙曉

浣溪沙

春游

風夫人精無以異焉

腰肢瘦損不勝羅無那春來病染多含情未語照晴波
金約腕垂纖筍麗玉搔頭醺醉顏酖小橋歸艇起漁
歌

金鞍前調閨思

一縷烏雲散篆香雨絲紅淚破殘粧沉吟長自送斜陽
烟嫋嫋升遲寶鼎雨濛濛過凍銀牀不堪人去日添
長

玉連環月夜論詩遲潘夫人不至

露寒曲檻紅衣潤笑扶蟬鬢徘徊臨水照紅粧人比嫦
娥差近鮫情得鱗鴻通問對花消恨把文何事不同論
論有盡思無盡

歸音虞美人影

歲華深鎖年華老
欹枕夢回啼鳥春漏迢迢待曉
鎮日憂心悄悄
捲簾滿目遊絲裊零落杏花飛繞
縈帚呼童頻掃砌長忘憂草

應天長

綠陰風軟黃鸝舌
往事重提千縷血
悄無言眉幾疊
博得瑤堦訴明月
醒難傳夢怎說
賺人真是離別索性
金雞啼徹任他長契闊

意難忘

寄外

柳絮飄揚怪吹衣
拂面故作顛狂春情無計
住午夢不
禁長統扇
潔石屏涼便沉醉何妨
雲兒峭風吹斷繡

被翻香 覺來瘦怯羅裳把同心帶結待寄檀郎祝生
生比翼儘日日成雙春去速蝶空忙芳草映斜陽又恐
伊封侯未穩誤了凝粧

浪淘沙

惜春

見衆香詞
昭代詞選

詞綜

詞雅

風靜綺牕閒一任妝殘晝長何事倚闌干好夢不來春
便去幾度芳年極目楚江寒烟棹平瀾月欺津渡雨
欺山簾外柳花飛絮也因甚闌刪

陸鳳池

雨鳳池字元宵上海人曹一士室有梯仙閣集

去簪憶秦娥

杜鵑

見詞綜

東風咽杜鵑簾外啼紅血啼紅血一枝竹影半庭殘月

東當年幽恨憑誰說鄉關望斷真淒絕真淒絕不如歸
去舊時宮闕

雨中花

秋思

滿徑芙蓉紅如暈更交映桂芳菊潤聽幽砌蛩吟疎林
蟬噪惹起清秋恨紫每嘆流光容易盡記七夕鵲橋渡
穩早過了中秋疏風斜雨又是重陽近

陸

真字佩瓊長洲人遷江縣丞邵元鰲室

點絳脣

見昭代詞選

春已無多杜鵑又欲催歸去落紅如許一夜風和雨
獨倚樓頭望裏斜陽暮情難訴綠蕪深處可是春歸路

蔡婉羅

婉羅字仙季太倉人汪梅坡室有蔗閣詩餘

眾香詞仙季幼失怙恃流離俱不能盡悉年十

九歸錢塘汪梅坡太史維時雜珮以迎之寶琴

以友之烟波畫舫月夕花朝與梅坡縱遊吳下

名山水無不徧歷又僑寓鴛鴦湖者一載庚申

歲始移居廣陵仙季性柔順器識極備爽無兒

女態每見梅坡落落一官不合時宜漸俯仰惡

干進難書對案時烹茗焚香以共遣寥寂日丈

夫固應如是彼窮達不有命耶顧以夫子才卒

當大用或尚有待耳簪珥無私蓄佐家給外悉

以供梅坡市書梅坡嘗故詰之日彼康成之婢
穎士之僕尚無俗韻宜吾兩人夫婦相得乃爾
徒從阿堵中覓生活耶丁巳歲梅坡偕仙季遊
虞山拂水山莊至錢宗伯與柳姬合葬處仙季
忽泣然長嘆曰才子佳人如是已乎然一坏黃
土幾疊青山泉聲樹色相為環映前祠後寢想
像平素其魂魄相依於此亦足了一生事我與
君他日得似彼兩人足矣因恹恹不樂移舟去
甲子春二月有惡僕夫婦盡竊其資囊以遁丙

有導之者不忍問而仙季已怏怏成疾矣三月
杪仙季遂不起年只二十七云疾革之日神明
湛然適其伯父字俠甫兄字東萊者從太倉來
廣陵探問與梅坡三人繞榻而泣問尙有何言
曰予無言今夫修短數也伉儷情也夫子遇我
情至厚必不以死生爲間隔今幸得伯父與兄
遠顧我而夫子又在側已矣無復爲念蓋仙季
無子梅坡卽以東萊之子嗣之適東淘高士吳
野人造訪聞而感其事遂代命名日以蔡字念
肥梅坡伏枕爲仙季云然猶點首會意俄頃遂
瞑梅坡哀慟欲絕於是覆以鴛錦含以寶珠蓋
棺時玉顏不變肌色反覺充腴意其來去分明
無拘攣困苦之習見梅坡文鈔

點絳脣

對燈

見衆香詞

簾外無風芭蕉尙滴朝來雨寒生金縷燈欲和人語
剔去燈花紅淚休教覩還留住影兒相顧同在屏山路

菩薩蠻

虞山晚眺

茫茫暮靄橫如雨高低夕照穿芳樹紅蓼映清波漁人
掛網多 白鷗堤畔起幾點沙汀裏明月忽飛來悠揚
畫角催

臨江仙

飛盡流螢無興撲扇兒閒卻秋風遠山夜半又聞鐘解
衣斜對影欲寢恨牀空 淒斷銀缸渾欲滅數聲窗外
孤鴻夜涼如水出簾櫳微雲淡河漢疎雨滴梧桐

滿江紅

咏扇

如或臨人首王知歎歸

似雪齊紈初裁就一輪明月堪愛處合歡新樣笑遮雙
靨遣興試描秦女鳳添愁撲散莊生蝶羨團圓素影伴
佳人終朝夕 湘枕畔紗幘側纖手玩香難歇想班姬

幽怨倩伊曾說漫恃君恩懷袖裏每嗟秋至春風發最傷情時節易炎涼輕拋撇

虞兆淑

兆淑字蓉城海鹽人有玉映樓詞

點絳脣

見詞綜

詞雅

梅綻芳菲垂楊烟外低金縷韶華小住生怕廉纖雨
繡戶淒涼蝴蝶雙飛去愁如許夢魂無據還在秋千路

徐淑秀

淑秀自號昭陽遺了口口人泰州邵口室有一

葉落詞

眾香詞淑秀前朝南渡時宮人也甲申後流落金臺劉學士肇國見其詩詞惜之用餅金贖回

以贈武人邵某歸而棲江南泰州之沈村爲詩多抑鬱哀憤之音有昭陽遺子聽漁歌爾波濤我爲何又入畫無人知是我倚欄看蝶認爲花之句

漁歌子

秋夜

見衆香詞

露滴花寒入夜深多情明月向愁人燈隱隱漏沉沉斷續鐘聲斷續砧

憶玉孫

重重幽恨鎖眉峯斜倚闌干思未窮徒使心牽問不通

憶相逢在夢中

風染暮靄寒無盡思苦繁心

賈乘醜奴兒令

有懷

欲無語部對琴瑟無聞自問

自從別後長相憶情整新粧瘦怯春裳怕見庭前芍藥芳
停鍼不語愁無限蜂鬧紗窗燕語雕梁獨倚闌干

欲斷腸不語愁無與半開窗窗燕語秋來秋風

自介鷓鴣天夜坐 目介鷓鴣天夜坐 目介鷓鴣天夜坐

寶篆香消覺夜深挑燈無語倍傷情瑤琴欲撫閒消悶

撥盡朱絃總斷魂 風索莫月淒清無端愁思苦縈心

徘徊不盡梧桐月守着窗兒坐到明

劉王恣易 外低金縷留華小住坐

離離秋寒人衣袂冬制眼目向愁人欲

離離秋寒人衣袂冬制眼目向愁人欲

魚鱗干秋寒 吳服春膏人素

魚鱗干秋寒 吳服春膏人素

魚鱗干秋寒 吳服春膏人素

魚鱗干秋寒 吳服春膏人素

閨秀詞鈔卷四目

顧若璞

八首

錢

涓

四首

歸淑芬

十一首

陳□□

四首

葉慧光

四首

金

莊

三首

葉宏緝

六首

謝

瑛

二首

華宜

三首

謝季蘭

三首

錢夫人

二首

鄧

湛

二首

黃之柔

三首

鄧太妙

二首

周

琇

三首

張引元

四首

華慧空

二首

張

瑛

五首

賀

綠

一首

賀

潔

三首

張傳

三首

馮挹芳

一首

俞

撚

三首

張嫺倩

四首

張道介

四首

彭

琬

一首

彭

琰

一首

成

岫

三首

倪小

二首

周

蕉

三首

陳

契

四首

王曇影

二首

趙□□

一首

缺口口 一首

缺口口 二首 周 蕙 三首 刺傷 建 四首 玉墨 景

缺口口 四首 道 爽 一首 遠 漢 疑 一首 疑 口 口 三首

缺口口 三首 蕙 賦 裝 一首 確 口 疑 三首 蕙 賦 壽 四首

華蕙空 二首 蕙 英 正首 賢 絲 一首 賢 彩 三首

黃之采 三首 燈 太 燈 二首 周 疑 三首 疑 口 口 四首

華 宜 三首 蕙 李 蘭 三首 疑 夫 人 二首 燈 疑 二首

華 慧 光 四首 金 疑 三首 葉 忠 聯 六首 蕙 疑 二首

蕙 苦 疑 八首 疑 四首 疑 疑 疑 十二首 刺 口 口 四首

同 我 同 燈 卷 四 目

閩秀詞鈔卷第四

南陵徐乃昌撰錄

顧若璞

若璞字和知錢塘人上林苑丞友白女督學黃

寓庸長子副榜茂梧室有臥月軒集

林下詞選若璞小詞字字婉媚得花間之神者
眾香詞若璞生而夙慧幼閑詩書東生亦工古
文詞無奈善病竟以病卒所遺二子女彬彬有
文皆若璞教之也觀其自序臥月軒稿其品亦
可概見焉夫寓庸為世文宗少許可而若璞詩
皆所刪定其誌於東生曰婦慧哲曉文理能為
母蓋實錄也又顧自滄江至西岩悅菴友白四
世皆有文名則若璞之能詩蓋其家學云其詩
有樹搖山影合波動月光分袖裏月團三百片
碧桃花下試清泉之句足可傳也
名媛詩話若璞文多經濟大篇有西京氣格常
與閨友宴坐則講究河漕屯田馬政邊備諸大

計每夜分執卷吟諷日使吾得一意讀書即不
能補班昭十志或可詠雪謝庭嘗於食頃作七
夕詩三十七首一時歎其敏妙和知早寡侍舅
孝訓子嚴暮年纂黃氏宗譜立義田年九十無
疾終節行文章爲吾鄉閨秀之冠惜文集早經
散佚擷芳集言之甚詳池北偶談正始集俱載
之
杭郡詩輯顧氏自滄江西巖悅菴友白四世皆
有文名夫人以不櫛之賢繼其家業歸黃東生
東生善病結褵之後強半與藥鹽爲伍歷十三
年而寡年甫二十八支持門戶拮据卒瘞而教
其二孤燦燁自小學至古文皆口授手畫卒底
於成其諸孫亦能詩一日雪中孫啟圻斐然有
作次孫啟均啟埏啟疆奮筆繼和已而堦垓垣
三女孫袖中簌簌有聲夫人索視之亦各成一
篇笑曰幼女童孫皆知好學可藉手報地下矣
歿時年九十餘所居臥月軒在湖墅半道紅世
所稱黃佛兒家是也夫人長子璨娶丁氏名玉
如字連璧仁和人甚賢孝能詩夫人所撰壙志
載其故有柔腸不怨君一語惜未見全什
兩浙輶軒錄顧若羣臥月軒稿序畧曰自余高
曾以來言詩者數世矣羣不佞不能讀父書而

言情之作遂獨工於姊氏姊氏早為黃伯子婦
伯子早夭吾姊教其二藐孤以其餘力自肆於
詩古文之間每夜分執卷諷詠良苦尤好讀史
蓋不獨五言七字之為工學日益進則紹吾先
滄江以來藩臬二祖數世之業而大貞父之傳
於其後人端在是矣

浣溪沙

見林下詞選

嫩柳牽絲覆綺牕起來無緒理明璫惱人最是日初長

三尺烏雲隨意挽兩條卻月待蕭郎胡琴閑放竹方

牀

前調

綠水紅蓮一帶妍荷衣欲剪惜金錢可憐鷓鴣不同眠
紈扇看來心已碎迎涼盼不到秋天算來又怕說秋

天

天

天

二

小檀樂室

長相思 春詞

梅子青 荳子青 飛絮飄飄撲短襟
風寒羅袖輕 送芳辰 惜芳辰
春事支離些 箇情眉峯恨幾層

前調

見林下詞選

眾香詞

春先到 愁先到 嫩鶯故對新叢叫
懶把雲和抱 愁先

到春先到 花輕蝶亂 東風裊
撚卻花相照

減字木蘭花

月夜聞沈媚清夫人吹簫

雨收風細 一片清光疑是洗
秦女樓頭吹出柔腸幾許
愁 花枝掩映 素腕金環
頻弄影香軟寒輕 寂寂簾幃
夜不扁

玉樓春

晚春三橋看月

花飛錦帶春波起殘月流輝明水底萬珠的鑠照新妝
故掬嫦娥纖手裏柳綫牽烟輕重綠漁燈高下鴛鴦
宿無情花柳送歸春不管離人腸斷續

憶王孫

織女怨

見眾香詞

年年雲錦織天孫銀漢無情勞夢魂烏鵲聲聲隔岸聞
怨黃昏烟鎖瓊樓月到門

憶秦娥

曉鶯嘔懶梳雲鬢上秦樓上秦樓一簾春色惹起新愁
楊花飄蕩弄輕柔殘紅零落倩誰收倩誰收烏鹽歌
罷倦倚筇篻

錢涓

涓

平遠文獻水人萃類書文平越籍家河室

澗字裴文鴛水人孝廉泮女平湖薛雍可室有

抱雪吟

林下詞選裴文自序其集云聞之登高能賦遇
物能銘文人伎倆豈巾幗所有事然性之所近
自不能已憶子甫離襁褓先子之教予一如所
以教子者子遂得優游寢息於藝林雖東觀圖
書未窮十乘而西崑簡冊聊見一斑既婦薛君
奉事舅姑而外即與校讐史籍商略風雅樂此
不疲忘年永日何圖不祿中道棄捐伯也遼鶴
游魂未還華表予也孤鸞隻影愁對菱花問以
風雨飄飄破巢取子憂心撥憊無復好懷自分
雅宗墜地翰墨無傳而臭味難忘時形咏嘆或
爐烟一剪或燈炮半篝或滿瀟瀟浙雨撲窗檣
或膠膠啾啾雜催曙旦思以情生情因境出長
吟短謠子將假是為忘憂萱草焉用是不揣固
陋從事殺青就正大方集成顏日抱雪以余熒
熒末亡甘向終南陰嶺伴老雪蛆是又區區欲
見之素心也

相見權

山園

見林下詞選

堦前雲補蒼苔襯花開窈窕朱闌碧戶似天台
山一帶水一派足徘徊滿目畫耶詩也費安排

菩薩蠻

蜂蝶

窺紅惹綠身兒小飛飛慣入芳林擾伊也點鴉黃個兮
淺淡粧樹頭春意鬧翻翻逐隣家悄風度遠花香知他
飛那廂

清平樂

臘梅

峭寒方甚蕊破枝頭嫩獨喜傲霜無瘦損另是一家風
韻游蜂釀蜜來賒翻疑螭染成花日映隔簾金碎暗
香透入窗紗

續賢秋波媚

芙蓉

蜀四

四

小檀欒室

豔質誰教托渚洲寂寞更誰儔半竿落日幾行征雁數
葉歸舟那堪風雨頻相妒紅粉逐波流深深綺閣盈
盈羅帳又控金鈎

歸淑芬

淑芬字素英嘉興人文學高陽繼室有雲和閣

靜齋詩餘

林下詞選素英與秋涇黃月輝德貞吳門申蘭
芳蕙共輯名閨詩選歸自爲序
衆香詞素英偕其夫隱花村
橋李詩繫素英夫婦偕隱工書畫筆墨珍惜購
之不多得也

帶水如夢令

春閨

見林下詞選

數日珠簾慵捲檻外初來新燕繡袂倚朱欄春暖風吹

人倦人倦人倦且向海棠消遣

點絳脣

晨粧

漫展香奩鏡前巧畫青山遠綠鬢粉面寶髻添珠鈿
繡袂紅綃玉臂雙金釧輕羅扇花羞難見落雁低聲嚙

憶秦娥

暮春

春光驟惜花憔悴蛾眉縐蛾眉縐碧天依舊翠筠新茂
草茵花落鮮如繡鴛鴦蹴水荷錢逗荷錢逗柳絲分
綫鶯梭織就

遶佛閣

喜叅同菴新建大悲樓

法雲普覆雙溪水遶新架燿燦高閣孤聳一燈遠映梵
音到花畔桂香又遍招隱作伴深塢幽境時臥遊玩夢

魂縈繞鴻飛少芳翰
病客最疎懶暮喚蓮蓮滌古硯
還是檢書呿唔常日眩待臘盡春來重赴禪院此時登
殿緩步女叢林積懷頗展綠陰堪聽黃鶯囀

深院月

閨怨

見眾香詞

黛眉蹙減容光
歷盡風霜苦未央
斛剩餘愁動斗量還
須車載付滄浪

卜算子

惜花和黃月輝韻

睡起捲疎簾春帚還停掃
細細蒼苔片片紅燕覓香泥
繞新綠滿枝頭蜂蝶無端鬧
有意隨流卻送春風雨
摧殘早

前調

和湘蘋徐夫人

病起惜花殘雲向何邊住會繞繁華拙政園道韞幽吟
處倩夢訪瑤臺雨阻猶難去似隔雲淵莫問奇惆悵
空無據

菩薩蠻

秋水

湖光萬頃澄如鏡白蘋蕩漾菱花盛一色映長天峯青
江上烟鷺鴛鴦相對浴魚躍溪邊曲不礙木蘭舟楓飄

萬點秋

愁

春日永豐林依宿也

滿宮花

初夏

暖風和柔情悄一瞬春光易老綠陰花瘦紅香少拂柳
絲飛絮早倚欄看荷錢小碧水盈盈波渺茶蘼架上
爭開繞又是採桑時了

東坡引

泛舟訪皆令聞友

櫻桃紅已足日覩苔痕綠綸竿釣罷清溪曲一村桑落
熟一村桑落熟閒愁莫展翠蛾屢蹙強抱琴箏去修
竹池邊有侶堪聯續山兒畫半幅山兒畫半幅

踏莎行

春日永豐村莊訪女

不算尋芳非遊南浦行舟只把津梁數御河風景尙依
然園林宛似柴桑裏水畔鷗迎鶯呼啟戶草堂相聚
殷勤語傾心正訴隔年愁柳條怎縮斜陽暮

陳口口

口口字口口華亭人徵君眉公姪女同邑平生

室有梅龕吟

會謝繁華世文園後躡幽

荷葉杯

見衆香詞

不料檀郎欲去私期願作燕雙飛他生與爾畫梁棲癡
麼癡癡麼癡

如夢令

欲訪桃源有渡要上瑤臺有路渾似小蜘蛛卻被柔絲
牽住難去難去惆悵落花微雨

醉公子

綠窗殘夢醒霧重花如暝曉起寶簾垂濕風吹雨絲
鏡臺梳洗嬾羅勝同心綰低語囑雙鬟香殘簫局寒

謁金門

春情

春欲暮簾外落紅無數斜倚曲欄渾不語笑看雙燕舞

惆悵夜來風雨吹散滿城飛絮一段夕陽留不住馬

嘶芳草去

葉慧光

慧光字妙明南滙人陰中書鳳毛女王進之室

有疏蘭詞懷清樓稿

清詩備采集慧光詩得家學年十七于歸逾年夫歿孀居後臥病六年而亡平生著作多焚去葉君偶於殘帙中得詩詞數十篇不忍湮沒為之付梓題曰懷清樓稿

珍珠簾

孤雁

見詞綜

詞雅

冥冥萬里呼羣急嘆浮生也復漂流南北一點落平沙
認住時蹤蹟輾轉驚魂猶未定正雪滿寒灘蘆荻惻惻
待寫怨留情不成行墨清影獨占天涯傍瀟湘苦竹

淚痕凝碧天半動哀聲似斷弦
瑤瑟十二樓中明月夜
悵舊侶那堪思憶悽絕只孤鶴橫江似曾相識

眼兒媚

上塚

見詞雅

半篙春水碧羅紋流出杏花村
行人陌上紙錢飛蝶細
雨如塵歸來似醉渾無力
界面尙啼痕金爐香冷紗
牕月上燈火黃昏

淒涼犯

木芙蓉

秋江水淺紅葉落寒英又遍江岸
畫船歌歇西風漸緊
綺羅重換鴛鴦拆散但留得寥天一雁帶衰楊蕭疎幾
綫杳杳斜陽晚
那更新霜濺渡蕭辰恁般清怨
溪花落盡剩娉婷尙疑人面待插銀瓶
怕憔悴愁顏莫展更

伊誰無情酒蓋向汝勸

秋懷

宣清

雨霽新涼小院垂簾秋風蕭蕭恁早聽哀蟬尙戀碧陰
又寒蛩暗泣荒草病髮凋零愁容損減傷人易老歎於
今了無多吟風嘲月懷抱便再譜花牒別翻水調知
音人去杳且學坐蒲團破除煩惱洞天白雲最好一片
冰心對蓮花去栽瑤島

金莊

莊字子嚴上元人王雲門室有怡堂諸刻

清平樂

見眾香詞

詞綜

淒涼晚色絲雨和愁織夢到楚江行不得一片濕雲空

隔年時曾憶城東杏花點點飛紅門外憑他寒食玉
闌自有春風

玉樓春 春曉

早鳥啼起銀蟾落錦帳春寒春意薄天涯路遠幾曾經
莫怪夢中常是錯少起來小婢催梳掠拈著青絲心緒
惡無情鏡子不憐人暗把紅顏都換卻

歸子謠

鶯

見昭代詞選

鶯葉底枝頭覲睨鳴憑誰聽訴盡惜春情

葉宏綱

山陰縣合志書

宏綱字曉菴號書城崑山人進士宏綬妹嘉定

闕敷在室有繡餘小草

詞綜王素巖云石林居士世仰高風菜竹名儒
代傳清德書城葉太君頌椒語菊抹月批風閒
寄意於填詞積等身之傑作吹簫羸館即試新
聲挾瑟揚家偏摹舊譜近宗兩宋可登秦柳之
堂上溯三唐幾奪白溫之席
崑山新陽合志書城聰明端淑博覽工詩詞二
十九夫亡撫嗣子守節八十三卒妹燦英適行
聖公孔毓圻蘭谷適胡秩亭并工詞翰
靚山樓墨話書城精古文亦工倚聲

望江南

見詞綜

人別後獨自倚牕紗畫譜嬾圖連理樹繡牀羞刺並頭

花愁思近來加春餘艸春寒春意薄天豈忍教幾曾歡

前調

人別後錦字倩誰傳心逐雨花臺上客情牽桃葉渡頭

船終日悶懨懨

浣溪沙 初夏

開遍薔薇小院香
乍晴梅雨蝶飛忙
一溪新碧浸鴛鴦
古帖午臨欹枕倦
瑤琴晚奏短襟涼
倚欄遠望又斜陽

前調 題女史楊倩玉遠山遺集

吹落雙星雁獨歸
斷魂殘夢遶花枝
西風冷落舊羅幃
黛筆難描索笑影
淚珠拋作亂紅飛
挑燈讀遍遠山

詞

南歌子 寄七姊查夫人眉令

柱殿清香杳桐堦
夜色浮孤燈門掩
有人愁幾點無情
蕉雨滴心頭
雁影寒烟樹蛩聲
冷翠樓西風迢遞疾

如流吹老蘆花又入鬢邊秋

踏莎行

秋閨

寒雁侵吟籬花伴繡蕭疎一派秋時候曲欄倚遍望天涯
斜陽斷處青山瘦屏掩銀牀篆噴金獸芭蕉影壓
疎簾縐那堪月上又黃昏聲聲露滴梧桐漏

謝瑛

瑛字玉英武進人東平知州徐聲復室有壽藤

軒集

眾香詞玉英補訂韻府羣玉

蝶戀花

見眾香詞

園丁報道生芝草綾襪新裁緩步蒼苔早弱女凝妝欄

外遠依依小子繙書考
白鶴巢松聲韻好桂子紛紛
竹影將階掃貪睡鴛鴦驚又覺
佳辰莫惜金尊倒

漁家傲

竹篠懸藤巖掛瀑藥苗雲潤空山護
淺水蘆花舟自俯
提壺過哈然一笑乾坤大
野菜和根煮爛熟山妻對
酌休催鼓長嘯一聲天未補
何須苦不知塵世披雲覩

華宜

宜字淑修無錫人長洲舉人張一鳴室有搓香

詞

浪淘沙令

幼兒玉穀學詩頗有可觀因填此解
見昭代詞選

吟詠是家風笑煞而翁爨煙不起句矜工癡絕又看癡

種繼蠹產書中 格律那沉雄應恕兒童烏絲須界寫
箋紅寄與長安潦倒客一展眉峯

踏莎行

題夫子曠怡軒詞鈔後

才可窮人文能壽世證之夫壻真都是工詩餘事又工
詞紅牙喜按衣遲紫 寶氣騰行珠光吐字侯封萬戶
榮輸此但愁聲倚綠牕難只應記曲呼娘子

滿庭芳

清明日歸甯舟中作

桃雨流紅柳煙暈碧一年佳景清明蓬牕舒眼更喜值
歸寧夢繞親庭幾度迢迢水似隔層城今宵裏牽衣膝
下好話別離情 心驚猶記得爭誇玉潤不媿冰清怎
頻年瑁瑛彈鉞神京勞我椿萱望眼門楣上何日春生

家鄉近勸開眉鎖遙岸嘯鶯聲

謝季蘭

季蘭字湘沚宦都人詩人魏叔子室

清平樂

暮春夜感

見衆香詞

憐花惜月情意憑誰說正好韶光天又奪處處子規啼
血凝思不比春初空牀閑掛流蘇欲睡何曾成寐支
頤無限躊躇

阮郎歸

秋夜

數盡更籌夢未成秋聲不忍聽起來且自剔殘燈誰家
玉笛聲風氣定月兒升清光漸漸生遲遲花影上牕
櫺動人無限情

醉花陰

夏日

薰風淡蕩吹羅袖
槐柳新蟬驟池內
小荷翻何處簫聲
吹徹梅花透
如今景物還依舊
茉莉花開後不坐已
愁人可怪黃鸝叫
得垂楊瘦

錢夫人

□□字□□湖州唐總憲世濟室

滿庭芳

四時詞今遺其二

見今詞初集

古樹陰濃新篁翠
淺半天雨過俄晴
方塘對岸留得小
紅英消受茶芽
蕨笋鬆几淨雲母
輕明薰風起釣絲
搖曳無處立蜻蜒
灌園君素志辟纊
吾職兩意相并
把當前小景直擬
蓬瀛怎得塵勞盡
謝長無事心境雙清

家園好藕花如錦波面想盈盈

前調

一片松陰半庭梧葉縱橫占滿空階授衣時節砧響隔
牆來漸老懶親刀尺褰簾望秋色佳哉真難料千餘里
外來看木犀開 歎闔浮狹小鬪爭堅固利嫁名媒怕
胸中魄磊辜負新醅但使逍遙鵬鷁知何事荏苒縈懷
高樓晚孤鴻別浦鄉思忽相催

鄧 湛

湛字定水富順人叙州府明少司空金寬室

浣溪沙

寄外

見嶽香詞

鎮日多愁屢廢滄閉門清坐遣應難樓頭明月幾回殘

萬點落花誰着眼一聲長笛獨凭欄夢歸冰簟五更

寒

蝶戀花 春曉

楊柳樓頭風剪剪月落星稀曙動東方緩一枕綢繆方
春戀無端恰被鶯聲喚醒來依舊屏山畔強起臨粧
懶畫眉峯淺呼婢漫將簾幕捲宿醒未醒腰肢軟

黃之柔

之柔字靜宜號玉琴歙縣人江都吳綺室有玉

琴齋集

詞苑叢談吳湖州內子黃淑人能詩湖州常贈
以臨江仙一闕中有秦嘉書兩紙蘇蕙錦千絲
之句其為林下之風蓋不在王夫人下矣吳
湖州江夏夫人與扶風少君皆有出塵之韻湖

州常因內宴作詞云一家都解愛青山蓋實錄也

名媛繡鍼蘭次罷官吳興與江夏君書有日青山十畝笑辭鹿鹿之塵紅燭三更醉聽烏鳥之曲想其風趣又何滅於陶翟也

江蘇詩徵張因云夫人與夫吳太守日相賡和太守呼之江夏君

百尺樓

明月樓元時趙氏建子昂題詩春風闔苑三千客明月揚州第一樓見眾香詞

住蹟已難成勝事猶能說只為王孫兩句詩今古留明月
金罍亦尋常彩筆真奇絕如此樓臺豈一家寂寂

都灰滅

菩薩蠻

賀元士姪新婚

香風一夜催雲輅吹下嫦娥飲仙露
句應平平仄仄宮燭

兩行新風流賦洛神 同心私自綰羅帕含香暖裊烏

繡雙雙簫聲引鳳凰

南鄉子

村望

恰值暮春天暖氣侵人懶着綿獨倚畫樓無任事花前

捲幔青青草色連 隔岸酒旗偏半枕垂楊半枕烟遙

望夕陽紅處也橋邊無數行人爭渡喧

鄧太妙

太妙字玉華西安人三水文光祿翔青繼室有

嘉蓮閣集

衆香詞太妙故寧河武順王之裔崇禎初年翔青以太僕少卿客居武恭人沒家園有並頭蓮之瑞作嘉蓮詞七言近體四百餘首鄧之父見其才而告之曰此真可以媚汝矣太妙喜遂委禽焉既歸於文春秋佳日奉太夫人版輿出游登車弔古夫婦倡酬筆墨飛舞爭先關捷太妙

有三出西郊記讀者艷之甲戌翔青得風病至
壬午春不起鄧爲文以祭叙致詳悉關中文士
爭傳寫之踰二年關陝蹂躪鄧以才華爲寇盜
所知淪於闖遁於秦流離於幽冀郵牆旅壁潑
墨留題往往皆黃鵠悲笳漢南塞北之語或以
爲尚在不死也其題華陰驛壁詩曰三峯一別
不復還玉女愁容慘玉顏妾與王嬙同命薄學
騎邊馬渡陰山壬申長至華山王無異徵君下
榻草堂出示二闕并誌其顛末

鵲橋仙

見眾香詞

無聊無賴多情多態倚遍欄干無奈不勝力怯薄羅裳
還疑是風飄綉帶問蝶欺花落柳償鶯債多少傷心事
在葡萄桃錦覆合歡牀私倩婢輕輕遮蓋

瑞鶴仙

猩紅小印品細認來模糊字兒不整風勁綉牀冷只錯

刀閒剪暗消膩粉軟雨斜陽鸞鶴飛轆轤金井閉重簾
關住離愁桐影教人立盡 深省紅葉欺霜黃花迎露
九秋佳景常數歸期時卜金錢無準細沉吟只顧時時
刻刻窗外枕前低問怪連朝夜長夢短人遠天涯近

無周無季

季字季玉吳縣人節菴次女

如夢令

早春

見林下詞選

報到東風已到霧散烟沉晴曉紅日照梅梢新柳枝頭
絲裊春早春早窗外一聲啼鳥

唐多令

秋夜追和葉瓊章韻

蛩絮短長更涼侵衫袖輕透窗櫺淅瀝風鳴漸覺短檠

多意味好伴取讀書聲 四壁冷清清孤幃影易驚把

桐君几上聊橫流水欲彈還又歇殘月落一天青

賣花聲

風雨惜梅

子鶴妻伊高士襟期相許任春來嬌歌艷舞繁華載路

獨占深山塢王孫有意終非伍 瓊琪滿樹恨殺無情

少女恣摧殘更加連雨師雄清夢慙亂尋何處難觸目

粘泥藉土

張引元

引元字文姝華亭人宜春令孟端長女楊安世

室有貫珠集

衆香詞文姝容止婉變天姿穎拔六歲能誦唐詩三體皆得母王文如之訓左國騷選諸書示

之姝一一了悟似有夙契卽歐陽侍女口中
有法華香者一日從父宦遊渡江忽夢神示曰汝
爲玉帝掌書記暫謫人間三九年當復召歸香
案須善自護持勿墮塵劫姝聞之憬然有覺後
適揚子安世甚貧姝力苦茹荼日夕吟咏與姝
引慶和倡皆爾雅後拔去類劉長卿風骨其詞
多憶母之作永言孝思後果神授之年遭疾而
逝逸史范叔子序其集

點絳脣

答母

見衆香詞

時節朱明暖風初入芭蕉院歸期日盼鬆盡黃金釧
病起南樓愁靚將雛燕無由見白雲何幻十二欄憑遍

菩薩蠻

落紅飛盡翻風片芭蕉初放青葵扇掩袂立斜陽歸來
雙燕忙金尊空自舉不破愁千縷生計轉無憑風波

何日清

浪淘沙

憶母

新月冷雕簷離思綿綿椒花未舉已潜然可惜清光如
晝也兩地愁看撥盡玉爐烟蘭麝慵添瑤章三復轉
情牽目斷征帆何處是錦字誰傳

念奴嬌

春日懷家寄母

燕舞鶯嬌看韶光又是清明時節乍捲湘簾春晝永病
體素羅猶怯恨寫孤桐書傳隻雁字字傷離別欄杆徒
倚一腔心事難說繁華瞬息當年舊遊回首惟有西
樓月親老北堂違菽水望裏暮雲遮疊事業無成紅顏
易改風景推心折珠沉璧委恐驚明鏡容髮

華慧空

空字貞素金匱人韻出謝靈運春望詩

華慧空字貞素金匱人諸生楊逢春室有環翠軒

長如風詞草

心代來入望委怒薰興飽容

對月浣溪沙

清明日攜兒婦踏青過浦靜來表姊齋頭閱其所填新詞欣然繼作

詞一紙

選

聚華細息當平蕙我回首並自西

寒食初過報好晨踏青攜伴訪佳人吟牕艷思坐生春

曲裏燕鶯歌宛轉毫端花草鬪鮮新底須綺陌趁香

塵

沁園春

病中訣別口占

六十年來弱草栖塵春歸夢醒似吐絲作繭纏綿欲盡
採花釀蜜辛苦垂成多病衰師無家織素棄置何煩屬
累卿今而後把幻緣剪斷萬劫冥冥知卿影事縈情

料難禁悲從腹裏生
悵蘆簾紙閣芸編
厯亂冰牀雪被
蘭炷青熒眼莫長
開腸休頻轉
留取禪心伴老僧
來朝
去便鴛摩一卷送我西行

張

張瑛
瑛字玉英泰州人符驤妹

衆香詞玉英大父爾弼公爲復社耆舊伯從修父野仙兄中山皆嫺制舉兼工古文詞漸漬庭訓尤謹儀範綽有德言往往刺綉之餘好爲綺語其從兄良御與家仲達人孝廉交善乞其弁言屬爲定此

秦樓月

月下聞隣女吹簫

見衆香詞

簫聲鬧多情人
奏傷情調傷情調
風前月下
有愁誰告
吹落梅花春欲老
人間應是知音少
知音少此情惟

有嫦娥知道

春怨 李人問 惠景 映音 心 映音 心 此 詞 對

韻 行香子

花朝 人 奏 寫 部 而 寫 部 隨 風 而 具 不 百 愁 語 台

雪霽瑤臺日暖瑤臺好時光暢我心懷一般造化幾樣

安排見桃花歛梅花落杏花開 纔過東堦又轉西堦

湘簾外再四徘徊滿園春鬧誰做詩媒有蝶兒舞鶯兒

喚燕兒來

詞 命 只 事 出 皆 賦 歸 來 策 丁 古 文 情 清 因

一剪梅

人日即事

人 谷 魏 叔

曉來春色滿天涯風繞窗紗日繞窗紗爭向新光鬪麗

華人也謹謹鳥也謹謹 把酒微吟清夢賒起對梅花

臥對梅花忽聞簫鼓太周遮知道誰家問道誰家

醉春風

題扇頭美人

人 奏 寫 部 而 寫 部 隨 風 而 具 不 百 愁 語 台

孰把輕紈扇繪出青蛾面娉婷嬾娜向花前倩倩倩一
分水墨十分摩揣三分妖艷有人容可羨昔日曾窺
見記得情嬌態更妍念念念是誰家女是誰家畫是誰
家院

金人捧玉盤

午日同父作

不覺是天中節日融融小窗似錦石榴紅湯沐罷靈
符高掛室西東綠陰院落閒遊戲兩袖生風笑兒曹
爭艾虎看女伴鬪花叢開綺席朮酒馨醲一觴一咏勝
如歌舞玉樓中隨時即便成佳境何必仙宮
一賀綠鮮重門蟲語空

綠字宜君丹陽人處士裳女

一剪梅

寄家季妹

見詞綜補

秋來寂寂掩重門
蟲語空庭葉打疏櫺
看朱成碧倍銷魂
愁緒紛紛情思昏昏
夢中可許暫相親
一晌分明
一霎無憑
淒涼枕簟夜如冰
聽斷雞聲數徧鐘聲

賀

潔

不貴最潔字靚君
丹陽人裳女溧陽史
左臣室有亦政

金堂詞

王盤

平日詞文

如夢令

秋宵

見瑤華集

寶鳳斜飛慵整
一種閒愁誰省
紅壓小闌干
扶住一枝
花影
花影
花影
淚眼且看秋景

剪梅

蘇州

見瑤華集

詞綜

昭代詞選

髻子鬢鬆掩鏡匳花也慵拈香也慵添倚闌終日病厭
厭風自開簾月自穿檐一庭芳草綠鋪氈紅杏初甜
斑筍初尖玉堦微步望銀蟾鳥影兼兼柳影纖纖

燭影搖紅

見詞雅

綠鬢慵梳晝長不放香簾鎖羅衫香褪獸烟消脈脈愁
無那誰擺花枝嬾娜悄窺人黃鸝一箇玉階苔徧寂寂
花茵愁人獨坐燕子多情銜泥故向簾前過年年多
病似傷春料亦春憐我蘭夢因風攪破盼枝頭纍纍熟
果鵲饑偷啄戲拽金鈴含桃驚墮

張傳

傳字汝傳婁縣人明經止鑒女詩人慧曉妹貢

士徐基室有綉餘譜

眾香詞汝傳幼聰穎不凡精研經史唐體宋調俱能陶鎔天性純孝母疾篤曾割股療之適貢

果醋齋

士徐基琴瑟靜好事舅姑更殷宗黨並稱賢淑修身峻潔治家嚴整蓋以少君之德兼大家之

文雲間許鶴沙觀察王卻非司農張洮侯徵君

姜萬青太史俱有傳叙載綉餘譜戊寅禁烟日

停撓黃歇浦曹十經手授

向兼前

無飛搗練子

梅花

見眾香詞

皎似雪潔如霜分外清幽一種香可愛冰心甘冷澹幾

枝疎影照斜陽

浪淘沙

秋夜

霜薄未曾嚴金粟初添暮山晴碧澹冰蟾月姊憐香思
照影盡揭雲簾寒到尙遲淹趁暖裁縑閒愁端不止

眉尖挑起銀燈消永漏綵綫重拈

虞美人

春晴

茶蘼架上鶯聲細也道春光麗輕寒輕暖養花天早有
牡丹幾種色鮮妍晴絲抱逗殘紅片兜住垂楊綫遊
人半爲踏青歸恐怕妬花風雨兩相催

馮挹芳

挹芳字琴仙長洲人馬口室有三影樓詞

菩薩蠻

雨窗對菊

見詞綜

繡衣風透餘香織玲瓏嫩葉凝眸碧花影半簾秋簫聲
起畫樓夜深人獨立風雨蕭蕭急燭炮閃虛櫺疎枝
映素屏

喻
撚

撚字惟綺吉水人指妹侯鼎臣室有蕙芳集

林下詞選惟綺才情艷逸閨中秀林下風殆兼之矣

踏沙行

借嫂游湖浦

見林下詞選

詞綜

畫閣妝餘東風正早且閒刀尺聽啼鳥湖鄉十里趁花

開凌波莫惜鞦韆頭小 樹裏人家隄邊芳草遠山無數

橫天表頻年苦憶故園春今年始覺江南好

搗練子

春日偶占

見林下詞選

昭代詞

香欲冷雨初殘春事無多怕繞闌侍女不知愁絕處卻

持花片向人看

浣溪沙

示蓮女

見林下詞選

今詞初集

曉日當窗理繡絲莫調金粉莫拈詩倦餘聊倚碧梧枝
道蘊才華妨靜女少君風範是良師耽書休似阿娘
痴寒

張嫺婧

嫺婧字蓼仙廬州人閔而學室有蕉窗逸韻

詞菩薩蠻

問海棠

見眾香詞

海棠晝睡臙脂冷杜宇枝頭呼不醒想是怯東風沉沉
春夢中閒來花檻外漫把花愁解切莫更朦朧輕將

錦被籠

前調 連城山房

風捲落紅愁不歇枝頭燕剪裁桃葉花氣沁簾香游絲

道介字椒岑長洲人太學顧筠干室有好雲樓

詞

長相思

秋夜

見衆香詞

燈影殘月影殘烟樹微茫夜已闌箇人猶未閒
思慳慳病慳慳一段心情何處牽長天秋水邊

武陵春

春暮

楊白花飛飛幾許點點落簾鈞萍踪切莫逐波流端爲
那人愁鳩婦呼晴還喚雨晴雨總無由好攜櫻筍上

蘭舟綠陰天際遊

浣溪沙

夏閏

開遍荼蘼一院香困人天氣日初長池塘深淺浴鴛鴦

陽
襖帖午臨欹枕倦玉琴晚奏短襟涼登樓惆悵又斜

滿庭芳

題畫拳石

潑墨濡毫綴成小石宛然霞浸雲烘幽窗舒卷几席列
奇峯點點莓苔如滴清閒供可入詩筒消晝永評花品
茗日日坐春風何殊游勝地連山拱壁軟土推紅見
嵐光岫色倒映簾櫳休羨南宮懷袖玲瓏樣晴雨空濛
珍藏好莫教輕擲文錦細加封

彭琬

琬字玉映海鹽人進士期生妹吏部侍郎孫遙

從姑浙江總兵馬孟驊子口室有挺秀堂集

杭郡詩輯玉映與妹幼玉稱雙璧同寓西湖王
端淑稱玉映詩巧慧俊冷不作淺浮小語

錦堂春

見詞雅

莫云別未三秋見月幾番圓缺自思量有限柔腸惹悶
懷干疊 燈花夜夜灰心喜鵲朝朝饒舌惟我杜鵑知
我意向枝頭啼血

彭 琰

琰字幼玉海鹽人琬妹文學朱化鵬室

一 寸 金

十姊妹花呈玉映女兄作
餘附錄

見茗齋詩

繡屋銀屏生小連枝開取笑昭陽合德空傳雙絕二喬
傾國輸他未字林下標風致論才貌誰甘弟二閨中費
幾許平章連普添枝上花史 只數排行難分娣姒紅

顏總相似便成都眉樣裝成一色回心詞豔香分何處
惱亂探花史原只合花間序齒殊非是十八封姨花信
知同乳

成一岫

岫字雲友錢塘人董宗伯室有慧香館集

眾香詞雲友少偉敏涉畧書傳通六藝手談齒
句鬪茗彈絲無不精妙然性愛雲間董宗伯書
法畫意臨摹多年每一着筆即可亂真今嫵媚
而失蒼勁者皆雲友作也年二十二尙未有偶
戊子春董宗伯留湖上見雲友所做書畫甚夥
自不能辨後得徵士汪然明言其詳卽爲蹇修
遂結禡於不繫園雲友歸董之後琴瑟靜御俱
譜入意中緣傳奇

菩薩蠻

見眾香詞

綠楊深處黃鸝坐蒼苔門巷無人過簾捲接湖光六橋

車馬忙 錦塘花 歷亂雲擁雷峯暗 獨緒撫瑤琴 澄懷
一寄心

醉花陰

題畫

風送琅玕聲 簌簌四月林 齊綠縱目寄湖山 惆悵今春
只是鶯聲熟 自嗟錦瑟年華促 日對生綃 殼點染似
迂癡 幽澗寒藤 疎樹黃茅屋

虞美人

春閨雨中

一春花事多 摧挫怪殺連連雨 梅羞杏泣 海棠愁愁絕
桃花含怨放樓頭 嗔他鳩婦相呼鬧 睨睨鶯聲巧聽
他溜滴滴欄干滴 破堦心只是怯春寒

倪小

小字茁姑青浦人永清妹陸口室有斯堂吟

眾香詞茁姑幼讀書通五經適亭林陸郎早逝

菩薩蠻

秋夜獨坐

見眾香詞

詞綜

蘭閨幽靜纖塵絕博山香炷挑燈爇何處弄哀箏淒涼
獨自聽銀河清似水人坐秋聲裏窗外月華生粉牆

花影明

長相思

見眾香詞

花也新柳也新昨夜南樓夢踏春朝來記不真歌幾
巡笑幾巡日日尋芳泗水濱由他姊妹嗔

周小蕉

蕉字綠天錢塘人吳近思副室有晚粧樓集

浣溪沙

春半 見眾香詞

燕尾翻風雙剪輕柳眠驚覺亂啼鶯四旬有五半分春

窗外三更寒食雨夢中一箇惜花人此時不怕不消

魂

卜算子

春病

心是惜花疼足是尋春乏花殘春老病根由病也風流

煞欲補恨難消欲瀉情還弱春來花放是良醫此外

曾無藥

虞美人

懷外

別後音書無片紙一隻鴛鴦愁欲死莫將行蹟比萍踪

便是浮萍還有日相逢 枝頭豆大青梅小擬似芳心

酸意少尋山問水竟忘歸辜負山明水秀眼和眉

陳音契無狀一雙鸞鸞欲天莫能行此特冠

契字無垢通州人大司馬大科孫女孫安石室

有茹蕙編

眾香詞無垢幼而穎慧好讀書適同里孫太學
安石家饒裕不善持籌遂中落以契無子不相
得挈妾婢異居契乃歸母家久之落髮即司馬
舊業所謂鴻寶堂者事焚修然不廢吟咏所著
甚富范光祿嘗序其茹蕙編四卷行世晚而益
貧至併日食不以告人隱忍而病病數月不起
起數日覆水窗前脫手墜樓而死人咸惜之

點絳脣

見眾香詞

春色撩人悶來閒步蒼苔徑花陰踏盡倦向闌干凭
試看雕梁紫燕時相並教人恨飛花成陣又惹芳心困

菩薩蠻

蘭膏收拾芙蓉匣
杏腮紅雨春
纖雪羞縮合歡裳
偎郎抱玉軀
香微烟穗滅
漏促瓊籤徹
殘夢正迷離
寒雞背月啼

前調

今生浪擬來生約
從今悔卻從前
錯腰帶細如絲
思君君不知
五更風又雨
兩地儂和汝
着意待新歡
莫如儂一般

前調

山居迴文

亂流溪樹烟橫岸
岸橫烟樹溪流
亂橋斷接峯遙
遙峯接斷橋
焙茶山雨細
細雨山茶焙
秋到等閒鷗鷗閒

等到秋

王曇影

曇影字文娟蘭谿人劉青夕聘室有綺窗逸韻

眾香詞文娟隨父寄居廣陵年十四工蘭善棋精曉梵典許字劉生青夕將次于歸倏爾謝世豈瑤宮淨質不受塵凡點染耶秦淮龔半干以詩弔之示青夕曰應笑人間有絕癡故來塵埃弄嬌姿輕如白雪乘春氣不見分明入手時其二不是穠桃艷李人肯將環珮委風塵他生倘遂今生約且在今生種想因

思帝鄉

獨夜聞簫

見眾香詞

睡初醒起來天未明獨擁寒衾偏自夢難成簾外冷風斜月透銀屏何處簫鳴咽不堪聽

漁歌子

柳垂青花帶艷粧臺獨坐添悲盛淚容銷雙蛾淡索把
鏡兒呵暗 意潛魂黯黯纖腰漸覺春來減燕聲愁鶯
啼慘那得病兒不染

趙□□

□□字□□錢塘人觀察廷標女海鹽查容室

林下詞選趙氏有詩稿行世詞則僅傳此一闕
於松陵吳聞璋唾香閣中火浣寸絲知爲世寶也

燭影搖紅

楚中寄外

今詞初集

見林下詞選

詞綜

眾香

瑤瑟聲悲洞庭落木秋風急蘭旌桂棹水中央渺渺烟
波隔獨倚危樓百尺正黃昏長天一色汀沙月淡野戍
烽高寒山凝碧 雙鯉沉浮錦書三載無消息江南江

北折垂楊歷亂愁如織歲暮虛傳畫鷁浪花殘蓮歌寂
雲迷翠羽露冷瓊枝流光暗擲天一角正待良宵

辭極聲悲佩致蒼木煇風急蘭致桂軒水中央新

灑潑斜珠今歸良林不同

樹

林下不問

口口字口口

賦目口

辭參眼

真良則

隨垂青